

դել է Կիւրիկեան վերջին արքաներից մէկի՝ Աբաս Ա-ի (1113-1145) դուստրը: Նրջիսի հայր Հասանի (այսինքն՝ Գրիգոր Մեծի աներոջ) մասին աղբիւրագիտական այլ նիւթի բացակայութեան պատճառով առայժմ հնարաւոր չի թուում անգամ որեւէ ենթադրութիւն անել, սակայն բոլոր դէպքերում անհնար է մտածել, թէ նա կարող էր ոչ շատ նշանաւոր մի իշխանական տան ներկայացուցիչ լինել:

Հարկ է նկատել, որ առկայ թուականի տառերից երկրորդը մի փոքր տարբերութիւն է բնագրի միւս Խ-երից: Լրիւ հասկանալի է նաեւ նրանից աջ դրուած մէկ կէտը (կրկնակէտ կայ միայն Գ-ից յետոյ): Եթէ ենթադրենք, թէ հեղինակը ցանկացել է Ո եւ Գ թուանշանների միջեւ, ասենք, կցագիր «ե» գրել, որն Խ-ի է նմանուել, ապա թուականը կը լինէր «Ո եւ Գ», այսինքն՝ 1154 թ., որը չէր հակասի աղբիւրագիտական տուեալների մի խմբի: Սակայն, եթէ կասկածի տակ չենք առնում ընթերցողը թուականի հաւաստիութիւնը, ապա Նրջիսի արձանագրութեան շնորհիւ պարզ է դառնում, որ անհրաժեշտ է որոշակի վերապահումով մօտենալ Գրիգոր Մեծի որդի Վախտանգին յաջորդած Հասան Կրօնաւորեալի «աւագութեան» 40 կամ 30 տարիների մասին տուեալներին (մանրամասն տե՛ս ստորեւ) եւ նրա՝ Խաչէնի իշխանաց իշխան («տէր») դառնալու իրական թուական համարել 1174-ը:

Ինչ վերաբերում է Գրիգոր Մեծին ու նրա Սմբատ եղբորը սպանած Հասան Դեստմեանի տիրոջթներին, ապա հնարաւոր է ենթադրել, որ դրանք ընդգրկել են Խաչէնագետի Քոլատակ վտակի վերնահովտում գտնուող Կոշիկ անապատի⁴⁹ շրջա-

կայքը (դա Կարկառի ձախակողմեան վտակների աւազանների հետ միասին կազմում էր աշխարհացոյցեան Արցախի կենտրոնական Պիւնք գաւառի տարածքը⁵⁰), քանի որ վանքի երկու վիմագրերում յիշուած է Դեստմ անունը: Դրանցից մէկը (մեծ գրանիտէ խաչքարի թեւերի շուրջը 20 կարճ տողերով) թուագրուած է 1179-ով⁵¹, իսկ երկրորդը (սրահի հիւսիսա-

գնեցի ճող ի վաճառատեղս, ետու Կոշիկ անապատ. միաբանքս տվիմ...»), էջ 32, N 68 («Ես՝ Տպել [վերծանուած՝ Տղէլ, որը, սակայն, ուղղելի է ըստ լուսանկար 22-ի եւ գրչանկարի — Ա. Յ.], որդի (...)այ, իմ ընչից գնեցի ճող, միաբանեցայ Ս...ք Նշանիս կամակցութեամբ եղբարցս Կոշիկ ան[ա]յապտոյ, ե[ւ] տվիմ իմ...»):

50 Տե՛ս Ա. Յակոբեան, Պատմա-աշխարհագրական եւ վիմագրագիտական հետազոտութիւններ, էջ 311-316:

51 Դիւան հայ վիմագրութեան, պր. V, էջ 25, N 45 («Թի՛մ :ՈԻԸ: [=1179 թ.]: Ես՝ Օահան, որդի իղի [Դեստմա, կանգնեցի զխաչս ի տապանի եղբար իմո տէր Գրիգորոյ]: Մէկ ալ մեծ, գեղաքանդակ խաչքարի վրայ պահպանուել է մաւել՝ ըստ ամենայնի, յիշուած Օահանի 6 տողանոց տապանագիրը. «Թի՛վ :ՈԻԲ: է [=1203 թ.]: Ես՝ Տէր Գագիկ եւ եղբայր իմ Գրիգ[ո]ր, որդիք Օահանայ, կանգնեցաք զխաչս հար մերո...» (նոյն տեղում, էջ 26, N 49): Ի դէպ, տէր Գագիկի անունը յուշում է, որ Դեստմեանների հետ կարելի է կապել եւ կոտորածի տեղում աւագ Դեստմի անունը վերականգնել վերջերս Կարկառի Պտրեցիք վտակի ճովտում գտնուող Օխտը եղցի հնավայրում յայտնաբերուած մի խաչքարի վիմագրում (Ս. Սարգսեան, Յ. Առաքելեան, Պատարա, Եր., 2006, էջ 10). «Թիւմ :ՈԻԲ: էր [=1163 թ.]. Գագիկ՝ որդի Հասանա, թոռն [Դեստմայ...]» (յիշենք, որ Արցախում Գագիկ անունը քիչ է տարածուած եղել. բացի Պիւնքի այս դէպքերից, այն արձանագրուած է մէկ դէպքում էլ՝ որպէս Դիզակի յայտնի թագաւորի անուն): Սրա հետ կարող է կապուել եւ նոյն Հասանի (որը լիովին կարող է լինել Գրիգոր Մեծ Խօխանաբերդցու թշնամին) տապանագիրը համարուել մօտակայքի միւս խաչքարի վիմագիրը (նոյն էջում). «Ի :ՈԻԴ: թշականի [ի] [=1165 թ.]. կանգնեցա խաչս ի տապանի Հասանա՝ որդի [դոյ...] ակ[...]: Որք՝ երկրպագեք, յաղաթս լիշեցե՛ք»: Իհարկէ, չափազանց հրապուրիչ է մաւել մօտակայ տապանատան մէջ կանգնած խաչքարի 10 տողանոց վիմագիրը (էջ 9. «Թիւ /

49 Վանքի այս անուանաձեւը դեռեւս ԺԳ դարում արձանագրուած է երիցս. տե՛ս Դիւան հայ վիմագրութեան, պր. V, էջ 28, N 56 («ՈՂԳ: [=1244 թ.]. յանուն Ա...տուն, ես՝ Պոռշ, որդի իշխանիս Վաս[ա]կա, յուսով միաբանեցա Կոշիկ անապատոյ. տվի...»), էջ 30, N 61 («Ես՝ Վասակ,